

明辯邪正章第八

是非厯臟法內觀有所思履行步斗宿六甲以日辰陰道厭九
一濁亂弄元胞食氣鳴腸胃吐正吸外邪晝夜不卧寐晦朔未
嘗休身體日疲倦恍惚狀若癡百脉鼎沸馳不得清澄居累土
立壇宇朝暮敬祭祀鬼神見形象夢寐感慨之心歡意喜悅自
謂必延期遽以天命死腐露其形骸舉措輒有違悖逆失樞機
諸術甚眾多千條有萬餘前卻違黃老曲折戾九都明者省厥
旨曠然知所由勤而行之日夜不休伏食三載輕舉遠遊跨火
不焦入水不濡能存能亡長樂無憂道成德就潛伏俟時太乙
乃召移居中洲功滿上昇膺錄受圖

道藏輯要

參同契
上陽子注

三

虛集三
卷下

做修行人須明大道之正倘非陰陽配合坎離變化外此皆
爲旁門左道如內視五臟存想咽呵外履斗宿步罡捏訣或
習房中之術御女三峰或行九一之道劍法五事對境接氣
濁亂元胞是皆穢行乃旁門之最下者又如吐正吸邪忍饑
食氣或論年打坐晝夜不眠或立壇祭神鬼物見象此又旁
門之亂道者是使精神恍惚百脉沸馳心意日歡夢寐夜作
千蹊百徑然總無功既違黃帝老子之教言不參真師陰陽
之同類曲折而招九都之戾何由而結一黍之珠本冀延年
故因促壽若有明達之士復遇真師之言曠然行之愈勤不
怠夙夜不休以求藥專心伏食而密行三載一任遠遊九年

足可輕舉積累一紀水火不傷居洞府以無憂宴瑤池而長樂已成道則潛伏更積德以俟時三天有名太乙乃召傅司仙職移居中洲若又功高飛身三境加封進級膺錄受圖如張葛旌陽浮丘鍾呂列聖已然後聖宜遵而行之也此章仙翁力言一迷一明一邪一正邪則九都譴戾正則行滿飛昇理之必然無可積慮至於下手工夫次第在後

龍虎兩弦章第九

火記不虛作演易以明之偃月法爐鼎白虎爲熬樞汞曰爲流珠青龍與之俱舉東以合西魂魄自相拘上弦兌數八下弦艮亦八兩弦合其精乾坤體乃成二八應一斤易道正不傾

道藏輯要

參同契
上陽子注

三

虛集三
X81

仙翁鋪設到此方言鼎爐龍虎弦炁曰偃月爐曰白虎曰上弦曰兌曰魄屬於西也彼也玉池也曰汞曰曰流珠曰青龍曰下弦曰艮曰魂屬於東也我也金鼎也偃月爐者卽太乙神爐是之謂陰爐也以其偃仰似月初生之象白虎乃西方兌宮之物天地初分元屬於彼其虎之威叩之則應含弘光大品物資生雖能傷人殺人卻蘊大乘氣象文王重易曰履虎尾不啞人亨又曰履道坦坦幽人貞吉孔子曰說而應乎乾又曰素履之往獨行願也修丹之士知畏此虎要先降而伏之既能伏之則可爲熬之樞而不啞人也離爲日爲汞中有朱砂名曰流珠青龍乃東方震宮之物劫運既周元屬於